

**Շարժական գույքի պահառության կազմակերպման դրամաշնորհի  
պայմանագիր N ԳԳԱԿ-02-2025**

ք. Երևան

31 հունվարի 2025 թ.

Պետական գույքի կառավարման կոմիտեն (այսուհետ՝ «Նվիրատու»), ի դեմս Նվիրատուի կանոնադրության հիման վրա գործող գլխավոր քարտուղար՝ Մարո Մարգարյանի, մի կողմից և «Գույքի գնահատման և աճուրդի կենտրոն» պետական ոչ առևտրային կազմակերպությունը (այսուհետ՝ «Նվիրառու»), ի դեմս Նվիրառուի կանոնադրության հիման վրա գործող գլխավոր տնօրեն՝ Արա Խլոյանի, մյուս կողմից (երկուսը միասին այսուհետ՝ «Կողմեր»), կնքեցին սույն պայմանագիրը հետևյալի մասին:

**1. ՊԱՅՄԱՆԱԳՐԻ ԱՌԱՐԿԱՆ**

Ի կատարումն Հայաստանի Հանրապետության կառավարության 2024 թվականի դեկտեմբերի 27-ի «Հայաստանի Հանրապետության 2025 թվականի պետական բյուջեի կատարումն ապահովող միջոցառումների մասին» N 2060-Ն որոշման (այսուհետ՝ «Որոշում») պահանջների և Հայաստանի Հանրապետության 2025 թվականի պետական բյուջեի 01 բաժնի 06 խմբի 01 դասի 1079 ծրագրի «Շարժական գույքի պահառության կազմակերպում» թիվ 11015 դասիչով միջոցառման (այսուհետ՝ «Միջոցառում») իրականացման նպատակով Նվիրատուն պարտավորվում է սույն պայմանագրի N 4 հավելվածով սահմանված համամասնություններով, սեփականության իրավունքով, Նվիրառուին անհատույց հատկացնել 33 980 000 (երեսուներեք միլիոն ինը հարյուր ութսուն հազար) ՀՀ դրամ գումարի չափով դրամաշնորհ (ներառյալ՝ ԱԱՀ-ն), իսկ Նվիրառուն պարտավորվում է Միջոցառումն իրականացնել սույն պայմանագրի N 1 հավելվածում նշված Միջոցառումների (այսուհետ՝ «Պահառության գործառույթներ») ձևով՝ Որոշմամբ և սույն պայմանագրով սահմանված կարգով՝ սույն պայմանագրի N 2 հավելվածով սահմանված ժամկետներում:

**2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ**

**2.1** Նվիրատուն իրավունք ունի՝

**2.1.1** Ցանկացած ժամանակ ստուգել Նվիրառուի կողմից Պահառության գործառույթների կատարման ընթացքը և որակը՝ առանց միջամտելու Նվիրառուի գործունեությանը:

**2.1.2** Որոշմամբ սահմանված պահանջներին չհամապատասխանելու դեպքում՝ չընդունել կատարված Պահառության գործառույթները կամ դրանց որևէ մասը՝ սեփական հայեցողու-

թյամբ սահմանելով թերությունների անհատույց վերացման ողջամիտ ժամկետ, և Նվիրառուից պահանջելու վճարել սույն պայմանագրի 4-րդ բաժնում նախատեսված տուգանքը.

**2.1.3** Առանց կատարված Պահառության գործառույթների կամ դրանց որևէ մասի արդյունքների դիմաց գումար տրամադրելու՝ միակողմանի լուծել սույն պայմանագիրը և պահանջել հատուցել Նվիրատուին պատճառված վնասները, եթե՝

**ա.** Նվիրառուն ժամանակին չի սկսում Միջոցառման իրականացումը, կամ Միջոցառման իրականացման ժամանակ ակնհայտ է դառնում, որ այն չի կարող պատշաճ իրականացվել,

**բ.** Նվիրառուն երկու և ավելի անգամ խախտել է Միջոցառումով նախատեսված Պահառության գործառույթների կատարման ժամկետները (դրանք նախատեսված լինելու դեպքում),

**գ.** Կատարված Պահառության գործառույթների արդյունքները չեն համապատասխանում Միջոցառմամբ սահմանված պահանջներին.

**2.1.4.** Սույն պայմանագիրն օրենքով կամ սույն պայմանագրով նախատեսված հիմքերով լուծելու դեպքում՝ պահանջել իրեն հանձնել անավարտ Պահառության գործառույթների արդյունքները:

**2.2** Նվիրատուն պարտավոր է՝

**2.2.1.** Կատարել Միջոցառման (դրա որևէ մասի) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ.

**2.2.2.** Միջոցառման կատարումն ապահովելու նպատակով իրականացնել այլ գործառույթներ.

**2.2.3.** Ծրագրով նախատեսված դեպքերում աջակցել Նվիրառուին.

**2.2.4.** Կատարված Պահառության գործառույթների մասին ներկայացված կատարողական հաշվետվությունների վերաբերյալ համապատասխան որոշում ընդունել դրանք ստանալու օրվանից 5 աշխատանքային օրվա ընթացքում: Եթե ներկայացված հաշվետվությունների համաձայն կատարված Պահառության գործառույթները (կամ դրանց որևէ մասը) համապատասխանում են Միջոցառման և սույն պայմանագրի պահանջներին, ապա դրանք ընդունվում են:

**2.3** Նվիրառուն իրավունք ունի՝

**2.3.1** Կատարված Պահառության գործառույթների կամ դրանց որևէ մասի արդյունքը Նվիրատուի կողմից ընդունվելու դեպքում՝ նրանից պահանջելու վճարել Նվիրառուին հասանելի գումարները.

**2.3.2** Նվիրատուի կողմից գումարները չվճարվելու դեպքում միակողմանի լուծելու սույն պայմանագիրը և պահանջելու հատուցել Նվիրառուին պատճառված վնասները:

**2.4** Նվիրառուն պարտավոր է՝

**2.4.1** Իրականացնել Նվիրատուի կողմից տրամադրված գումարների հաշվառում՝ Հայաստանի Հանրապետության օրենսդրությամբ հանրային հատվածի կազմակերպությունների համար սահմանված հաշվապահական հաշվառման ստանդարտին համապատասխան:

**2.4.2** սույն պայմանագրով նախատեսված ֆինանսական միջոցներն օգտագործել Միջոցառմամբ և (կամ) սույն պայմանագրով սահմանված նպատակներով ու չափաքանակներով: Համաձայն Հայաստանի Հանրապետության կառավարության 2024 թվականի դեկտեմբերի 27-ի «Հայաստանի Հանրապետության 2025 թվականի պետական բյուջեի կատարումն ապահովող միջոցառումների մասին» N 2060-Ն որոշման 4-րդ կետի 13-րդ ենթակետի՝ Միջոցառման տարեկան արդյունքները Նվիրատուի կողմից ընդունվելուց հետո Նվիրառուն Միջոցառման իրականացման արդյունքում առաջացած տնտեսումները (խնայողությունները) վերադարձնում է Հայաստանի Հանրապետության պետական բյուջե՝ ոչ ուշ, քան մինչև 2026թ.-ի հունվարի 24-ը, իսկ համաձայն «Հայաստանի Հանրապետության 2025 թվականի պետական բյուջեի մասին» Հայաստանի Հանրապետության օրենքի 7-րդ հոդվածի 23-րդ մասի՝ Դրամաշնորհի նկատմամբ հաշվարկված ԱԱՀ-ի գծով լրացուցիչ հատկացումները չեն կարող ուղղվել այլ նպատակների, իսկ ԱԱՀ-ի վճարման համար նախատեսված հատկացումների գծով չօգտագործված գումարները 2025 թվականի ընթացքում ենթակա են վերադարձման Հայաստանի Հանրապետության պետական բյուջե:

**2.4.3** Միջոցառման կատարման ընթացքում իրականացված Պահառության գործառույթների մասով բացահայտված թերությունների վերացման նպատակով ապահովել Նվիրատուի կողմից տրված ցուցումների կատարումը:

**2.4.4** Սույն պայմանագրով սահմանված կարգով Նվիրատուին ներկայացնել Պահառության գործառույթների կատարման մասին հաշվետվություններ, իսկ Միջոցառման կատարման ավարտից հետո՝ ամփոփ հաշվետվություն:

**2.4.5** Սույն պայմանագրի գործողության ընթացքում ապահովել Միջոցառման իրականացմանը վերաբերող փաստաթղթերին ծանոթանալու Նվիրատուի հնարավորությունը՝ վերջինիս կողմից գրավոր պահանջ ներկայացնելու օրվանից 5 աշխատանքային օրվա ընթացքում:

**2.4.6** Պահառության գործառույթների որևէ մասի կատարման մասին հաշվետվությունները Նվիրատուի կողմից հիմնավոր պատճառներով չընդունվելու դեպքում՝ անվճար և Նվիրատուի կողմից սահմանված ողջամիտ ժամկետում վերացնել արձանագրված անհամապատասխանությունները:

**2.4.7** Միջոցառման կատարման համար անհրաժեշտ ապրանքները, աշխատանքներն ու ծառայությունները ձեռք բերել «Գնումների մասին» Հայաստանի Հանրապետության օրենքով սահմանված կարգով՝ պետության կարիքների համար կատարվող գնումների կանոններին համապատասխան:

### **3. ՊԱՀԱՌՈՒԹՅԱՆ ԳՈՐԾԱՌՈՒՅԹՆԵՐԸ ԿԱՍ ԴՐԱՆՑ ՈՐԵՎԷ ՄԱՍԸ ՆՎԻՐԱՏՈՒԻ ԸՆԴՈՒՆՄԱՆԸ ՆԵՐԿԱՅԱՑՆԵԼՈՒ ԿԱՐԳԸ**

**3.1** Պահառության գործառույթները կամ դրանց որևէ մասը Նվիրատուի կողմից ընդունվում են դրա մասին սույն պայմանագրի N 3 հավելվածում բերված ձևի՝ հանձնման-ընդունման արձանագրությունը Կողմերի ստորագրելու ու կնքելու եղանակով:

**3.2** Յուրաքանչյուր ամիս կատարման ենթակա Պահառության գործառույթների կամ դրանց որևէ մասի ավարտից ոչ ուշ, քան 2 աշխատանքային օրվա ընթացքում Նվիրատուն կազմում, ստորագրում, կնքում և Նվիրատուին է ներկայացնում հանձնման-ընդունման արձանագրության երկու օրինակը:

**3.3** Կատարված Պահառության գործառույթները կամ դրանց որևէ մասը սույն պայմանագրի N 1 հավելվածով և Պահառության գործառույթների կատարման համար ՀՀ օրենսդրությամբ սահմանված պահանջներին համապատասխանելու դեպքում Նվիրատուն 5 աշխատանքային օրվա ընթացքում ստորագրում, կնքում և Նվիրատուին է վերադարձնում հանձնման-ընդունման արձանագրության մեկ օրինակը:

**3.4** Կատարված Պահառության գործառույթները կամ դրանց որևէ մասը սույն պայմանագրի N 1 հավելվածով և (կամ) Պահառության գործառույթների կատարման համար ՀՀ օրենսդրությամբ սահմանված պահանջներին չհամապատասխանելու դեպքում Նվիրատուն 5 աշխատանքային օրվա ընթացքում Նվիրատուին է ներկայացնում Պահառության գործառույթները կամ դրանց որևէ մասը չընդունելու պատճառաբանված գրավոր մերժում, մատնանշելով անհամապատասխանությունները և սահմանելով Պահառության գործառույթների կամ դրանց որևէ մասի վերստին կատարման ողջամիտ ժամկետ:

**3.5** Կատարված Պահառության գործառույթները կամ դրանց որևէ մասը համարվում են Նվիրատուի կողմից ընդունված, եթե հանձնման-ընդունման արձանագրությունը Նվիրատուից ստանալու պահից 5 աշխատանքային օրվա ընթացքում Նվիրատուն չի կատարում սույն պայմանագրի 3.3-րդ կամ 3.4-րդ կետերով նախատեսված գործողություններից որևէ մեկը:

**3.6** Կատարված Պահառության գործառույթների կամ դրանց որևէ մասի հետ կապված վերջնահաշվարկները Կողմերի միջև կատարվում են յուրաքանչյուր եռամսյակի արդյունքներով (համաձայն հավելված 5՝ «Նախահաշվի»):

### **4. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ**

Սույն պայմանագրով և Միջոցառումով նախատեսված պարտավորությունների չկատարման կամ ոչ պատշաճ կատարման դեպքում Նվիրատուն պարտավորվում է Նվիրատուին փոխհատուցել Պահառության գործառույթների չկատարված մասի չափով և վճարել տուգանք՝ Պահառության գործառույթների չկատարված մասի համար նախատեսված գումարի 1 տոկոսի չափով: Ընդ որում, տուգանքի վճարումը Նվիրատուին չի ազատում իր պարտավորությունները կատարելու և խախտումները վերացնելու պարտականությունից: Նվիրատուն

սույն կետով նախատեսված գումարները հաշվարկում և հաշվանցում է Նվիրառուին վճարվելիք գումարներում:

## 5. ՄՈՆԻԹՈՐԻՆԳԸ

5.1. Նվիրատուն Միջոցառման իրականացման նախնական, ընթացիկ և վերջնական արդյունքների համապատասխանության գնահատման նպատակով իրականացնում է մոնիթորինգ:

5.2. Մոնիթորինգն իրականացվում է Նվիրատուի և (կամ) նրա կողմից լիազորված անձի կողմից:

5.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով Նվիրառուին տրվում են ցուցումներ, և կատարվում են առաջարկություններ:

5.4. Նվիրատուն ցանկացած ժամանակ կարող է Միջոցառման շրջանակներում իրականացնել մոնիթորինգ՝ ուսումնասիրելով Միջոցառմանն առնչվող ցանկացած փաստաթղթեր և նյութեր:

5.5. Մոնիթորինգի իրականացման ընթացքում Նվիրառուից կարող են պահանջվել գրավոր ու բանավոր պարզաբանումներ և բացատրություններ:

## 6. ՊԱՅՄԱՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏԸ

Սույն պայմանագիրն ուժի մեջ է մտնում Կողմերի ստորագրման պահից և գործում է մինչև 2025 թվականի դեկտեմբերի 20-ը, իսկ պայմանագրի դրույթները տարածվում են մինչև դրա կնքման պահը՝ 2025 թվականի հունվարի 01-ից ծագած Կողմերի փաստացի իրավահարաբերությունների վրա:

## 7. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆ (ՖՈՐՍ-ՄԱԺՈՐ)

Սույն պայմանագրով պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է այնպիսի արտակարգ ուժի ազդեցության հետևանքով, որը ծագել է սույն պայմանագիրը կնքելուց հետո, և որը Կողմերը չէին կարող կանխատեսել կամ կանխարգելել: Նման իրավիճակներ են հանդիսանում մասնավորապես՝ երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, զանգվածային հասարակական անկարգությունները, գործադուլները, հաղորդակցության համակարգերի աշխատանքների դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով Կողմերի պարտավորությունների կատարումը: Եթե արտակարգ ուժի ազդեցությունն անընդմեջ շարունակվում է 3 (երեք) ամսից ավելի, ապա Կողմերից յուրաքանչյուրն իրավունք

ունի ՀՀ օրենսդրությամբ սահմանված կարգով լուծել սույն պայմանագիրը՝ այդ մասին նախապես տեղյակ պահելով մյուս Կողմին:

## 8. ԵԶՐԱՓՈՒԿ ԴՐՈՒՅԹՆԵՐ

8.1 Սույն պայմանագրից ծագած Կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց Կողմերի գրավոր (ստորագրված ու կնքված) երկկողմ համաձայնության:

8.2 Սույն պայմանագրում փոփոխություններ և լրացումներ կարող են կատարվել միայն Կողմերի գրավոր (ստորագրված ու կնքված) երկկողմ համաձայնություններով:


8.3 Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են դատական կարգով:


8.4 Սույն պայմանագիրը բաղկացած է 6 էջից և 8 էջ հավելվածներից, կազմված է երկու հավասարազոր օրինակներից՝ յուրաքանչյուր Կողմին մեկական օրինակ:

## 9. ՏԵՂԵԿՈՒԹՅՈՒՆՆԵՐ ԿՈՂՄԵՐԻ ՄԱՍԻՆ

Նվիրատու՝ Պետական գույքի կառավարման կոմիտե, ՀՎՀՀ 02528489, հասցեն՝ ք. Երևան, Տիգրան Մեծի 4, ՀՀ ֆինանսների նախարարության գործառնական վարչություն h/h 900011034221:

Նվիրառու՝ «Գույքի գնահատման և աճուրդի կենտրոն» ՊՈԱԿ, ՀՎՀՀ՝ 02562123 իրավաբանական և գործունեության հասցեն՝ ք. Երևան, Զաքիյան 10, ՀՀ ֆինանսների նախարարության գործառնական վարչություն h/h 900018002981:

Նվիրատու՝  
  
Ս. Մարգարյան

Նվիրառու՝  
  
Ա. Խաչյան

**«Պետական գույքի կառավարման կոմիտեի «Պետական մարմինների տիրապետմանը և օգտագործմանը հանձնված (ամրացված), կազմակերպություններին, ընկերություններին և հիմնադրամներին անհատույց օգտագործման իրավունքով տրամադրված պետական սեփականություն հանդիսացող շարժական գույքի պահառության» ծրագրի շրջանակներում իրականացման ենթակա**

### **ՊԱՀԱՌՈՒԹՅԱՆ ԳՈՐԾԱՌՈՒՅԹՆԵՐԻ ՆԿԱՐԱԳԻՐ**


ՀՀ 2025 թվականի պետական բյուջեի 01 բաժնի, 06 խմբի 01 դասի 1079 ծրագրի «Շարժական գույքի պահառության կազմակերպում» թիվ 11015 դասիչով միջոցառման իրականացման նպատակով «Պետական մարմինների տիրապետմանը և օգտագործմանը հանձնված (ամրացված), կազմակերպություններին, ընկերություններին և հիմնադրամներին անհատույց օգտագործման իրավունքով տրամադրված պետական սեփականություն հանդիսացող շարժական գույքի պահառության» ծրագրի շրջանակներում Նվիրառուն իրականացնում է մինչև տաս միլիոն դրամ նախնական գնահատված արժեքով շարժական գույքի օտարման գործընթացում գտնվելու ժամանակահատվածում գույքի պահառությունը:


Նվիրառուն իր գործունեության ընթացքում առաջնորդվում է «Պետական սեփականություն հանդիսացող և պետական ոչ առևտրային կազմակերպությունների սեփականությունը հանդիսացող գույքի օտարման (վաճառքի), օտարման (վաճառքի) մրցույթի և աճուրդի կազմակերպման ու անցկացման կարգերը սահմանելու և Հայաստանի Հանրապետության կառավարության 2003 թվականի հունիսի 13-ի N 882-Ն որոշումն ուժը կորցրած ճանաչելու մասին» ՀՀ կառավարության 2021 թվականի ապրիլի 15-ի N 587-Ն, «Անհատույց օգտագործման իրավունքով անշարժ գույք ամրացնելու և Հայաստանի Հանրապետության կառավարության 2004 թվականի մայիսի 13-ի N 689-Ն որոշման մեջ լրացում կատարելու մասին» ՀՀ կառավարության 2015 թվականի սեպտեմբերի 10-ի N 1033-Ն, Հայաստանի Հանրապետության կառավարության 2024 թվականի դեկտեմբերի 27-ի «2025 թվականի պետական բյուջեի կատարումն ապահովող միջոցառումների մասին» N 2060-Ն որոշումներով, ինչպես նաև «Պետական մարմինների տիրապետմանը և օգտագործմանը հանձնված (ամրացված), կազմակերպություններին, ընկերություններին և հիմնադրամներին անհատույց օգտագործման իրավունքով տրամադրված պետական սեփականություն հանդիսացող շարժական գույքի պահառության» ՀՀ տարածքային կառավարման և ենթակառուցվածքների նախարարի 2021 թվականի հունիսի 08-ի N 29-Լ հրամանով հաստատված Պահառության կարգի դրույթներով:

Պահառության գործառույթների իրականացման ընթացքում առաջնորդվել վերոնշյալ նորմատիվ իրավական ակտերով:

Նվիրառու՝  
  
Մ. Մարգարյան



Նվիրառու՝  
  
Ա. Խաչյան






Հավելված N 2

Շարժական գույքի պահառության կազմակերպման  
դրամաշնորհի պայմանագիր N ԳԳԱԿ-02-2025  
կնքված «31» հունվարի 2025 թ.

ՄԻՋՈՑԱՌՈՒՄՆԵՐԻ ԿԱՏԱՐՄԱՆ ԺԱՄԱՆԱԿԱՑՈՒՅՑ

N	Միջոցառումների և դրանց գնահատման քանակական ցուցանիշների անվանումները	Քանակը և չափման միավորը		
		Առաջին եռամսյակ	Առաջին կիսամյակ	9 ամիս Տարի
1.	Շարժական գույքի պահառության կազմակերպում, հատ		300	380

Նվիրատու՝



Մ. Մարգարյան

Նվիրատու՝



Ա. Խլոյան

Շարժական գույքի պահառության կազմակերպման դրամաշնորհի պայմանագիր N ԳԳԱԿ-02-2025 կնքված « 31 » հունվարի 2025 թ.

**Նվիրատու՝**

ՀՀ ՏԿԵՆ Պետական գույքի կառավարման կոմիտե, ՀՎՀՀ 02528489, հասցեն՝ ք. Երևան, Տիգրան Մեծի 4, ՀՀ ֆինանսների նախարարության գործառնական վարչություն Հ/Հ 900011034221

**Նվիրառու՝**

«Գույքի գնահատման և աճուրդի կենտրոն» ՊՈԱԿ, ՀՎՀՀ 02562123, հասցե՝ ք. Երևան, Զաքիյան 10, ՀՀ ֆինանսների նախարարության գործառնական վարչություն հ/հ 900018002981

**Ա Ր Ձ Ա Ն Ա Գ Ր ՈՒ Թ Յ ՈՒ Ն N \_\_\_\_\_  
ՊԱՀԱՌՈՒԹՅԱՆ ԳՈՐԾԱՌՈՒՅԹՆԵՐԻ ՀԱՆՁՆՄԱՆ ԸՆԴՈՒՆՄԱՆ**

« \_\_\_\_\_ » \_\_\_\_\_ 2025 թ.

Պայմանագրի անվանումը՝ **Շարժական գույքի պահառության կազմակերպման դրամաշնորհի**


Պայմանագրի կնքման ամսաթիվը՝ \_\_\_\_\_ հունվարի 2025 թ.


Պայմանագրի համարը՝ \_ԳԳԱԿ-02-2025

Նվիրատուն, ի դեմս պետական գույքի կառավարման կոմիտեի գլխավոր քարտուղար Մ. Մարգարյանի և Նվիրառուն, ի դեմս «Գույքի գնահատման և աճուրդի կենտրոն» ՊՈԱԿ-ի գլխավոր տնօրենի Ա. Խլոյանի, հիմք ընդունելով վերոհիշյալ պայմանագրի կատարման վերաբերյալ աշխատանքներն ընդունող պատասխանատու ստորաբաժանման կողմից « \_\_\_\_\_ » \_\_\_\_\_ 2025թ. կազմված N եզրակացությունը, այն մասին, որ պայմանագրով նախատեսված՝ ստորև նշված Աշխատանքները համապատասխանում են պայմանագրով սահմանված նկարագրին և Աշխատանքների կատարման ժամանակացույցին՝ կազմեցին սույն արձանագրությունը հետևյալի մասին.

Պայմանագրի շրջանակներում Նվիրառուն « \_\_\_\_\_ » \_\_\_\_\_ 2025թ. մինչև « \_\_\_\_\_ » \_\_\_\_\_ 2025թ. ընկած ժամանակահատվածում կատարել է հետևյալ Աշխատանքները.

N	Միջոցառումի համառոտ նկարագիրը	Միջոցառումի քանակական ցուցանիշները	Միջոցառումի կատարման ժամկետը	Վճարման ենթակա գումարը (հազ. դրամ)	Վճարման ժամկետը (ըստ ժամանակացույցի)
	Ընդամենը	.....	.....		

Նվիրատու՝  
  
Մ. Մարգարյան  
Կ. Տ.

Նվիրառու՝  
  
Ա. Խլոյան  
Կ. Տ.


Հավելված N 4

Շարժական գույքի պահառության կազմակերպման  
դրամաշնորհի պայմանագիր N ԳԳԱԿ-02-2025  
կնքված «31» հունվարի 2025 թ.

ՎՃԱՐՄԱՆ ԺԱՄԱՆԱԿԱՑՈՒՅՑ


N	Միջոցառումների անվանումները	Վճարման ենթակա գումարը (հազ. ՀՀ դրամ)		
		Առաջին եռամսյակ	Առաջին կիսամյակ	9 ամիս
1.	Շարժական գույքի պահառության կազմակերպում (Միջոցառման վրա կատարվող ծախսեր)	5 600,0	14 200,0	22 700,0
				33 980,0

Նվիրատու՝



Մ. Մարգարյան

Նվիրառու՝



Ա. Խլոյան